



18.08. 2014

UKA 2014/119

Inatsisartut suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiuppara:

Akileraartarnermut oqartussaasut ataanni immikkoortortaqrifimmik immikkut suliaqartussamik, aningaasaqarnikkut pinerluuteqarteqartarnerup, ilaatigut ikiaroornartunik niuerniartarnermut attuumassuteqartup, paasineqarnissaanik siunertaqartussamik, pilersitseqqullugit Naalakkersuisut peqquneqarnissaannik siunnersuut, tamanna pissaaq akileraarusersuinermi annertunerusumik suliniuteqarneq aqqutigalugu, tamatumunga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisinik unioqqutitsilluni pissarsiaasimasut paasineqarsinnaaqqullugit.

(Inatsisartunut ilaasortaq Agathe Fontain, Inuit Ataqatigiit)

Tunngavilersuut

Ukiuni kingulliunerusuni apeqqutigineqartarpooq, aningaasaqarnikkut pinerluuteqartarnermut hash-imut attuumassuteqartumut naleqqiullugu akileraaruserinermi annertunerusumik suliniuteqarnissap unamminartut suut nassatariumaarerai. Naalakkersuisut ilisimatitsissutigaat taamatut suliniuteqarnissaq iluatsilluassappat atortorissaarutinik inerisaanissaq annertooq pisariaqassasoq, suliaqarfitt assigiingitsut paassisutissaataat ataatsimoortinnejqarsinnaalissappata. Kingullermik § 37 naapertorlugu apeqquteqaateqarlunga Naalakkersuisut qinnuigaakka, atortorissaarutunik inerisaanissaq pineqartoq piviusunngussappat, nukissatigut sillimmatit suut atorneqartariaqassanersut ilisimatitsissutigeqqullugu. Kisianni Naalakkersuisut akissutaat tamatuma erseqqissarnissaanut annerusumik iluaqutaanngillat.

Akerlianik Naalakkersuisut ilisimatitsissutigaat, politiit isumaqarunik Nammingersorlutik Oqartussat pineqartumut aningaasaliinerusariaqartut ilisimatitsisinissaat ilimagineqartoq. Naalakkersuisut taamaallutik pingaartippaat, ikiaroornartunik nioqquqteqarneq akiorniarlugu suliniuteqarneq sallerpaatillugu politiit suliniuteqarnerisigut pisariaqartoq, maannalu politiit akileraartarnermilu oqartussaasut suleqatigiinnerat ingeralluareersoq. Siunnersuut maanna aqqutigalugu suleqatigiinnerup pioreersup pitsaassusaa apeqqusernianngilara.

Kisianni isumaqarpunga uagut inatsisiliortutut annertunerusumik sulissutigisariaqripput, ilisimasat sakkullu akileraartarnermut oqartussaasut pigeriigaasa sunniuteqarnerusunissaat anguniarlugu atortorissaarummik pilersitsinissaq, taamattullu akileraartarnermut oqartussaasut suliassap tamatuma pingaartinneruler-nissaanut nukissanik tunineqarnissaat sulissutigisariaqripput.

Taamaalilluni aalajangiiffigisassatut siunnersuut manna aqqutigalugu kissaatigisara tassaavoq, akileraarusersuinkut annertunerusumik suliniuteqarneq aqqutigalugu, akileraartarnermut oqartussaasut ataanni siunertaq naapertorlugu immikkut

immikkoortortaqaqfiliornikkut, sakkussallu pisariaqartut atorlugit, akileraartarnermut oqartussaasut politiillu suleqatiginnerat pioreersoq annertusarneqassasoq.

Siullermik akileraarusersuinikkut suliniutit annertusarnerisugut politiit suleqatiginnerat pioreersoq pitsannngorsarneqassaaq, tassami ilimagisariaqarmat akileraartarnermut oqartussaasuni immikkut sulialimmik immikkoortortaqaqfik politiit saaffiginnissutaannut sukkannerusumik qisuarisinnassuseqassasoq.

Aappaattut ilimagivara, akileraartarnermut oqartussaasuni immikkut immikkoortortaqaqfimmit misissuinissat aallarnisartarnissaat aallunneqarnerussasoq, maanna pissusiusut akerliannik, tassami maanna imaappasippoq politiit tassaanerusut suliniutinik aallartitsisuusartut.

Pisortani aningaasaqarnikkut allaffissornikkullu kingunerisassaat

Siunnersuut maannatut isikkoqarluni akuersissutigineqassaguni, pisortanut aningaasaqarnikkut allaffissornikkullu toqqaannartumik kinguneqassaaq. Siullermik qulaajarneqartariaqarpoq, atortorissaarutitigut inerisaaneq oqaatigineqartoq piviusunngortinneqassappat nukissatigut sillimmatit suut pisariassanersut. Oqaatigineqareersutut tamanna Naalakkersuisut nalorninaatsumik paassisutissiissutigisinnasimannngilaat, kisianni eqqoriarpala piareersaaneq minnerpaamik AC-p ataatsip ukioq ataaseq suliaatut naleqassasoq. Kingusinnerusukkut akileraartarnermut oqartussaasuni immikkut ittumik immikkoortortaqaqfiliortoqpat, ingerlatsinermi minnerpaamik AC-p ataatsip ukioq ataaseq sulinera pisariaqartinneqassasoq eqqoriarneqarsinnaavoq.

Ilimanarsinnaavoq Akileraartarnermut Aqutsisoqarfiup suliassat suliarineqartarnerannik aaqqissuusseqqinnermigut aningaasatigut sinaakkutit pioreersut iluanni siunnersuut piviusunngortissinnaagaat. Kisianni isumaqarpunga uagut inatsisiiliortutut nassuerutigisariaqaripput, kissaatigigutsigu Akileraartarnermut Aqutsisoqarfiup suliassaq tigussappagu, aqutsisoqarfiup suliaanut allanut sunniuteqarnerliunngitsumik, minnerunngitsumik ingerlatsinermi sallitutisariaqassalluta Aningaasanut Inatsit aqqutigalugu amerlanernik aningaasaliissuteqarnitsigut.

Namminersorlutik inuussutissarsiortunut aningaasaqarnikkut allaffissornikkullu kingunerisassaat

Siunnersuutip namminersorlutik inuussutissarsiortunut aningaasaqarnikkut allaffissornikkullu kinguneqarnissaa ilimagineqanngilaq.

Innuttaasunut aningaasaqarnikkut allaffissornikkullu kingunerisassaat

Siunnersuutip innuttaasunut aningaasaqarnikkut allaffissornikkullu kinguneqarnissaa ilimagineqanngilaq.